

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

IV.

[urn:nbn:de:bsz:31-122751](#)

mca conjugē honorificē & amanter in Christo salutes, & ipse nobis & Christo ad annos Nestoreos prosperrime vivas. Data Ratisponæ, 27. Februarii, anno 1590.
juxta veterem calculum.

R. Claritatis tua

Observantissimus

Jeremias Hombergerus, D.

Mitto tibi chartam gratulatoriam expulsi hinc M. Abrahami, nunc Jenæ exulan-
ties, ut videoas, quales viros hæc Ecclesia amiserit per turbam usurpatam.

III.

S. D. *Magnifice & clarissime D. Doctor.*

ILLUSTRISS. Princeps meus Ulricus, dux Megapol. amicinæ suæ Urulæ, Abbatissæ Ribnicensi, monumentum erigi curat, cui uifato principum more, sedecim avorum nomina cum insignibus effigi ex marmore curat. Deest autem nobis ex sedecim abavis, unica Jacobi Marchionis Badensis conjunx, quæ, quo nomine, & ex qua gente orta fuerit, ignoramus. Ad te igitur, velut ad sacram ancoram configimus, ac ut nomen uxoris, & familiam illius nobis indices, rogamus. Memini aliquando te mihi integrum Marchionum Badenium Genealogiam cum singulorum conjugibus promittere. Id si nunc tibi præstare vacat, pergratum erit: Si secus constitutum est, Jacobi tamen illius ab Aenea Sylvio adeo honorificè celebrati, conjugem & familiam, ex qua orta est, indicabis. Nostra tibi studia & officia vicissim cum omni observantia constabunt. Benè vale. 20. Martii, Anno 1590.

David Chytræus.

Inscriptio.

*Magnifico & clarissimo viro, D. JOANNI PISTORIO,
Artis Medica Doctori, & Marchionum Badenium Arbi-
stro, Domino suo.*

IV.

*Gratiam & pacem à DEO patre nostro, Jesu Christo, Domino nostro, Reverende &
doctissime D. D. Compater honorande.*

ET si nihil amplius, ad te, quod scriberé, habebam, tamen cum hic mihi tabellarius operam suam offerret, nolui eum vacuum remittere, cum præterea dicteret, sc ad te

A. 1590.

PARS SEXTA.

713

ad te missum Wormatia, huc reversurum. Per amanter igitur oro, ut mihi per eum rescribas & certiore me facias, an proximas literas meas per Lengefeldensem ci-
vem, ultima Februarii parte missas acceperis, & quo in statu cum tuæ, tum publicæ
res in utraq; politia versentur. Spero, me apud proceres vestros in antiqua esse
gratia. De Villacensium Ecclesia, quibus ministris utatur & qualem scholam fo-
veat, quo in statu sit, item Labacensis Ecclesiæ & scholæ fortunam pervelim habere
cognitam. Labacensium enim hoc anno prorsus nemo mihi scripsit. Spero tamen,
me ab eis nihilominus amari. D. M. Oberndorfferum ex me salutatum cupio, cum
reliquis tibi fidelibus. Quia reverentia in proximis, eadem in his generosum Do-
minum Paulum à Danhaulen provincialem prætorem saluto, sicut & Dn. à Diete-
richstein. Mea conjux tuam, sicut & filia mea Anna sponsa salutar. DEUS
te cum omnibus tuis ab omni malo custodiat, Amen. Datum Ratisponæ raptim,
antepenultima Calendarum Aprilis, an. 1590.

R. D. I.

Observantissimus

Jeremias Hombergerus, D.

V.

S.D. Reverende & clarissime vir, frater carissime.

Gratissimæ mihi literæ, quibus 27. Decembri adscriperas, etiam propter histo-
riatum varietatem, & in iis recensendis diligentiam, fuerunt. Dedi autem in-
stitori nostro, ad nondinas profecturo, literas ad te & Pistorium, quarum exemplum,
his etiam adjunxi, ut de negociolo illo, per hunc tabellarium mihi respondere possis.
Orationes de tribus Cæsaribus ex nundinis expecto. CHRONICON, ab initio & fine
uno anno auctum, mitto. an isthic recudere velint, ipsorum arbitrio relinquuo. De
Filii imaturo obitu quod scribis, benevolentiam & ~~supradictum~~ tuam agnosco. Sed
intra decennium Dei beneficio nulla meorum funera vidi, & duos adhuc filiolos, Ul-
ricum & Davidem, superstites habeo, qui me, dum DEUS volet, oblectant. Lite-
ras ad Eberzum, Wittebergam ad ministrum olim meum misi, qui se in manu-
eas Eberzo tradidisse rescribit. Quis Tragœdia, Casimiri coniugi motæ, exitus
fuerit, doceri velim. Benè vale. Dominica ~~tau~~ Boëv. 1590.

David Chytræus.

X x x

VI.